



AN tSEIRBHÍS UM FHORBAIRT GHAIRMIÚIL DO MHÚINTEOIRÍ (SFGM)

Comhairleoir le haghaidh Teicneolaíochtaí Digiteacha (Bunscoil)

Sainchuntas Poist agus Nótaí Ginearálta

1. Forléargas

Seirbhís tacaíochta trasearnála is ea An tSeirbhís um Fhorbairt Ghairmiúil do Mhúinteoirí (PDST) atá faoi shainchúram na Rannóige um Oideachas Múinteoirí (TES) sa Roinn Oideachais agus Scileanna (DES) agus soláthraíonn sí tacaíocht maidir forbairt ghairmiúil do mhúinteoirí bunscoile agus iar-bhunscoile agus do cheannairí scoile. Cuireann obair an PDST le feabhsú scoile trí Fhorbairt Ghairmiúil Leanúnach (CPD) a sholáthar i dtaca le ceistanna curaclaim agus oideachais, agus cothaíonn sí cleachtas machnamhach agus foghlaim ghairmiúil i measc múinteoirí agus ceannairí. Scoile.

Ar cheann de na tosaíochtaí atá ag an Roinn Oideachais agus Scileanna sna blianta atá romhainn áirítear na bearta atá leagtha amach i Straitéis Dhigiteach nua do Scoileanna a chur i bhfeidhm (Ag Feabhsú Teagaisc, Foghlama & Measúnachta 2015-2020)

Tá deiseanna iasachta lánaimseartha ag an tSeirbhís um Fhorbairt Ghairmiúil do Mhúinteoirí le haghaidh poist mar Chomhairleoir le haghaidh Teicneolaíochtaí Digiteacha (Bunscoil) a bheidh ag obair go príomha i réigiún an Iarthuaiscirt - Sligeach, Maigh Eo, Dún na nGall, Ros Comáin agus Gaillimh. Beidh gá le taisteal chuig réigiúin eile ó am go ham de réir mar atá mínithe i gCuid 3 thíos.

Is é an spriocdháta d'iarratais ná Déardaoin 28 Márta ar 3i.i.n



2. Cur-síos ar an bPost

Beidh an Comhairleoir ag obair faoi threoir an Cheannaire Foirne um Theicneolaíochtaí Digiteacha agus is iad na príomhdhualgais a bheith air/uirthi na déileáil le nithe insolátharta a bhaineann leis an Straitéis Dhigiteach do Scoileanna. Ar na tascanna tosaíochta áireofar tacú le scaipeadh náisiúnta na Creatlaí d'Fhoghlaim Dhigiteach agus na dTreoirínte Pleanála d'Fhoghlaim Dhigiteach agus tacú le braislí scoileanna atá san áireamh sa Chiste Sármhaitheas Scoile: Digiteach.

Beidh an Comhairleoir ag obair le foireann Comhairleoirí an PDST atá tiomnaithe do Theicneolaíochtaí Digiteacha a neadú i dteagasc, i bhfoghlaim agus i measúnacht i scoileanna agus thar na seirbhísí tacaíochta (forbairt foirne leanúnach) agus do réimse rudaí atá le soláthar sa Straitéis Dhigiteach do Scoileanna. Leagfar béim ar leith ar Théama 1 na Straitéise - Teagasc, Foghlaim agus Measúnacht trí Theicneolaíochtaí Digiteacha a Úsáid agus ar Théama 2 na Straitéise - Foghlaim Ghairmiúil Mhúinteoirí

Beidh an comhairleoir le haghaidh Teicneolaíochtaí Digiteacha freagrach as:

- Tacú le cur i ngníomh an Chiste Sármhaitheas Scoile: Digiteach
- Scaipeadh na Creatlaí d'Fhoghlaim Dhigiteach agus na dTreoirínte Pleanála d'Fhoghlaim Dhigiteach ar cheannairí scoile, chomhordaitheoirí Teicneolaíochta Digití agus ar na múinteoirí eile ar fad trí sheimineáir agus ceardlanna náisiúnta, sheimineáir ghréasáin, tacaíochtaí ar líne, tacaíocht scoile dhíreach agus trí phobail ghairmiúla foghlama
- Ag cur le ceapadh agus seachadadh forbartha gairmiúla leanúnaí ar mhaithe le Teicneolaíochtaí Digiteacha a neadú i dteagasc, i bhfoghlaim agus i measúnacht, do mhúinteoirí agus cheannairí scoile i réimse suíomh: ceardlanna oíche, tacaíocht scoil-bhunaithe, cruinnithe braisle éascaithe, pobail chleachtais, líonraí gairmiúla mhúinteoirí agus foghlaim ghairmiúil do theagascóirí
- Ag tacú chun cur chuige straitéiseach comhoibritheach a fhorbairt chun Teicneolaíochtaí Digiteacha a neadú in obair na seirbhísí tacaíochta uile. A chinntiú go gcuirfear foghlaim ghairmiúil ar fáil d'fhonn freastal ar riachtanais aitheanta
- Ag cur le hoiliúint agus le forbairt comhairleoirí PDST ar iasacht, le comhlaigh pháirtaimseartha agus le héascaitheoirí áitiúla de réir mar is gá maidir le Teicneolaíochtaí Digiteacha a neadú go héifeachtach
- Ag tacú le Pobail Chleachtais ar líne ar mhaithe comhroinnt éifeachtach eolais agus acmhainní
- Ag obair le múinteoirí agus ceannairí scoile chun eiseamláirí de neadú éifeachtach Teicneolaíochtaí Digiteacha maidir le straitéisí, cuir chuige agus modheolaíochtaí teagaisc agus foghlama a fhorbairt thar réimsí éagsúla den gcuraclam
- Ag tacú le cuir chuige i leith teagaisc agus foghlama trí Theicneolaíochtaí Digiteacha a úsáid



- Comhairle a chur ar fáil do mhúinteoirí agus cheannairí scoile agus tacú leo maidir le feabhsú scoile: an próiseas féinmheastóireacht scoile agus cur i bhfeidhm an phlean um fheabhsú scoile
- Cabhair a thabhairt maidir le hionductú agus oiliúint ball foirne nua
- Obair i gcomhpháirtíocht le stiúrthóirí ionad oideachais ar thionscadail chomhoibritheacha agus tionscnaimh áitiúla de réir mar is gá
- Ag tabhairt faoi thascanna riaracháin de réir mar a éilíonn bainistíocht an PDST agus taifid ar an obair agus an ghníomhaíocht ar fad a choinneáil trí thuairiscí a thabhairt don bhfoireann bainistíochta go tráthrialta

D'fhéadfadh freagrachtaí an Chomhairleora athrú de réir riachtanas agus tosaíochtaí a thagann chun cinn agus de réir mar a shannann an Ceannaire Foirne iad.

Ní mór do chomhairleoirí a bheith solúbtha maidir le bheith ag obair i roinnt réimsí éagsúla. Mar thoradh air seo athróidh na dualgais a dhéanfaidh na comhairleoirí de réir na riachtanas agus tosaíochtaí a thagann chun cinn

3. An réimse eolais, taithí agus scileanna a bheidh riachtanach:

Ba mhaith an rud é saineolas fairsing a bheith ag an iarrthóir a n-éireoidh leis/léi ar na réimsí seo a leanas:

- Eolas ar an gcóras oideachais i gcoitinne
- Baint le nuáil/forbairt curaclaim agus/nó taithí ar cheapadh agus ar sheachadadh forbartha gairmiúla do mhúinteoirí lena n-áirítear fianaise ar an gcumas machnamh, fiosrú agus taighde rangbhunaithe an mhúinteora a spreagadh agus tacú leo
- Tuiscint fhoirfe ar chomhphárteanna lárnacha an teagaisc éifeachtaigh agus na foghlama éifeachtaí lena n-áirítear measúnacht ar fhoghlaim agus don bhfoghlaim, modheolaíochtaí foghlama gníomhaí, comhtháthú curaclaim agus cur chun cinn scileanna smaointeoireachta ardoird
- Eolas agus saineolas den scoth ar úsáid Teicneolaíochtaí Digiteacha chun teagasc, foghlaim agus measúnacht a fheabhsú
- Eolas agus taithí ar litearthacht, uimhearthacht, riachtanais oideachais speisialta, DEIS, ceannaireacht agus pleanáil
- Eolas agus tuiscint ar an bpróiseas Féinmheastóireacht Scoile
- Cumas tacú le feabhsú scoile uile
- Cumas obair go neamhspleách agus mar chuid d'fhoireann
- Sárscileanna idirphearsanta, cumarsáide, éascaíochta agus láithreoireachta
- Cumas obair i sainréimsí agus réimsí cineálacha tacaíochta
- An cumas obair daoine eile a eagrú agus a chomhordú go réamhghníomhach



- Sárscileanna eagraithe agus bainistíochta
- Sárscileanna agus eolas den scoth maidir le Teicneolaíochtaí Digiteacha
- Cur chuige fiontrach i leith tascanna agus an acmhainn tabhairt faoi ghnéithe nuálacha dúshlánacha na hoibre
- Solúbthacht maidir le freastal ar riachtanais na heagraíochta lena n-áirítear a bheith sásta tabhairt faoi thaisteal agus/nó obair thráthnóna de réir mar is gá.
- Beidh taithí ar mhúineadh trí Ghaeilge, líofacht sa teanga agus a bheith sásta obair trí Ghaeilge ina bhuntáiste don bpost seo ach níl sé ríthábhachtach

4. Láthair

- Déanfar na hiarrthóirí a n-éiríonn leo a thabhairt ar iasacht d'Ionad Oideachais Bhaile Átha Cliath Thiar agus tuairisceoidh siad d'fhoireann bhainistíochta an PDST
- Ní éileofar go mbeidh an Comhairleoir bunaithe in Ionad Oideachais Bhaile Átha Cliath Thiar. Mar sin féin, beidh air/uirthi taisteal chuige agus chuig áiteanna eile de réir mar is gá
- Beidh sé riachtanach go mbeadh a modh taistil féin ag an iarrthóir a n-éiríonn leis/léi chomh maith le ceadúnas iomlán tiomána a shealbhú agus a choinneáil
- Beidh feidhm ag rátaí taistil agus cothabhála na seirbhíse poiblí agus déanfar iad a ríomh ó d'Ionad Oideachais áitiúil ainmnithe, nó ó do bhaile, de réir mar is cuí

5. Incháilitheacht

- Is ceadmhach do gach múinteoir cáilithe a bhfuil post aitheanta i scoil aitheanta aige nó aici cur isteach ar an bpost seo.
- Beidh poist ar iasacht i gcomhréir le téarmaí Chiorclán DES maidir le hlasacht – 0029/2018 faoi láthair
- Déanfar na hiarrthóirí a n-éireoidh leo a cheapadh ar bhonn iasachta ar feadh scoilbhliain amháin, faoi réir tréimse phromhaidh trí mhí a chríochnú go sásúil
- Tá an iasacht faoi réir athbhreithniú agus athnuachan bliantúil agus faoi réir ceadú bliantúil ó údarás/Bhord Bainistíochta na scoile agus ó DES

Ceadú ón Roinn Oideachais agus Scileanna

- Tá gach ceapachán faoi réir cheadú DES
- Ní dhéanfar aon tairiscint chinntitheach ar phost sula dtabharfar ceadú



Conradh

- Beidh ar gach iarrthóir a n-éiríonn leis/léi conradh iasachta a shíniú, ar conradh é ina ndéanfar foráil do phróiseas leanúnach feidhmíochta agus forbartha.

Eile

- Déanfar gach ceapachán ar an gcoinníoll go gcuirfidh an t-iarrthóir a n-éireoidh leis/léi fianaise ar Imréiteach an Gharda Síochána agus fianaise ar thuairisc shásúil faoi shaoire bhreitheachta ar fáil d'Ionad Oideachais Bhaile Átha Cliath Thiar
- Tá gach ceapachán faoi réir teistiméireachtaí sásúla a chur ar fáil, lena n-áirítear teistiméireacht ó fhostóir reatha an iarratasóra
- Coimeádann Ionad Oideachais Bhaile Átha Cliath Thiar, i gcomhairle leis an Roinn Oideachais agus Scileanna, an ceart chuige féin an post a fhógairt arís más rud é go measann sé nach bhfuil dóthain iarratasóirí incháilithe ann. Cuirfear é sin in iúl d'iarratasóirí incháilithe agus beidh sé de rogha acu a n-iarratas a choinneáil ar chomhad
- Beidh an t-iarrthóir a n-éireoidh leis/léi ag obair go heisiach d'Ionad Oideachais Bhaile Átha Cliath Thiar agus ní fhéadfaidh sé/sí aon fhostaíocht eile a bheith aige/aici ar feadh thréimhse an chonartha gan an cead cuí a fháil

6. Tuarastal

Tá an tuarastal i gcomhair comhairleoir ar iasacht i gcomhréir le Catagóir 4 amhail dá bhforáiltear i nDámhachtain Eadrána 2003 maidir le múinteoirí ar iasacht faoi réir na gcoinníollacha bhfuil breacchuntas orthu thíos.

Tá an luach saothair faoi réir pholasaithe agus rialacháin ábhartha DES nó na Roinne Caiteachais Phoiblí agus Athchóirithe gach uile thráth. Beidh feidhm ag Ciorcláin Reatha Phá na Roinne Oideachais agus Scileanna – is é Ciorclán 0051/2018 an ciorclán reatha.

Tá comhairleoir (a tháinig isteach sa mhúinteoireacht roimh 2011) i dteideal na nithe seo a leanas:

- A p(h)ointe ábhartha ar Bhunscála Comónta na Múinteoirí, **móide**
- liúntas um bunchéim onóracha
- liúntas um Ard-Teastas Oideachais onóracha
- an liúntas iasachta caighdeánach Catagóir 4, atá inphinsin (féach an tábla thíos)



Catagóir Ar Iasacht	Post	Bunscála Comónta na Múinteoirí	Liúntas um Chéim Onóracha	Liúntas um ATO Onóracha	Liúntas Iasachta Caighdeánach
4	Comhairleoir	Mar a bhaineann	€4,918 pa	€1,236 pa	€10,130 pa

Tá comhairleoir (a tháinig isteach sa mhúinteoireacht i ndiaidh 1 Eanáir 2011 agus roimh 1 Feabhra 2012) i dteideal na nithe seo a leanas:

- A p(h)ointe ábhartha ar Bhunscála Comónta na Múinteoirí, **móide**
- liúntas um Ard-Teastas Oideachais onóracha **má tá a leithéid de liúntas ag an múinteoir cheana Féin**
- an liúntas iasachta caighdeánach Catagóir 4, atá inphinsin (féach an tábla thíos)

Catagóir ar Iasacht	Post	Bunscála Comónta na Múinteoirí	Liúntas do ATO Onóracha	Liúntas Iasachta Caighdeánach
4	Comhairleoir	Mar a bhaineann	€1,236 pa	€10,130 pa

Tá comhairleoir (a tháinig isteach sa mhúinteoireacht i ndiaidh 1 Feabhra 2012) i dteideal na nithe seo a leanas:

- A p(h)ointe ábhartha ar Bhunscála Comónta na Múinteoirí, **móide**
- an liúntas iasachta caighdeánach Catagóir 4, atá inphinsin (féach tábla thíos)

Catagóir ar Iasacht	Post	Bunscála Comónta na Múinteoirí	Liúntas Iasachta Caighdeánach
4	Comhairleoir	Mar a bhaineann	€10,130 pa

Ní íocfar na liúntais bhreise go léir do cháilíochtaí agus do phoist freagrachta le foireann ar iasacht atá ag fáil na liúntas iasachta thuasluaite.

Tá an liúntas iasachta iníochta fad agus atáthar ar iasacht agus ní choinneofar é in aon cháil níos faide ná an tréimhse iasachta.



7. Gnás Roghnúcháin

- Ba cheart foirmeacha iarratais a chur isteach mar cheangaltán ríomhphoist chuig recruitment@pdst.ie faoin **Déardaoin 28 Márta ar 3i.i.n.**
- Déanfar an roghnúchán trí agallamh iomaíoch
- Ní chuirfear iarratais dhéanacha san áireamh
- Bunófar coiste roghnúcháin chun gach gné den phróiseas roghnúcháin a chur i gcrích
- Féadfar gearrliosta a dhéanamh
- Tá sé de fhreagracht ar iarrthóirí iad féin a chur ar fáil d'agallamh ar an dáta atá ceaptha, má thugtar cuireadh dóibh a bheith i láthair. Ba cheart d'iarrthóirí a thabhairt faoi deara go mb'fhéidir nach mbeifear in ann dáta eile a thabhairt
- Iarrfar orthu siúd a ghlaofar chuig agallamh **cur i láthair 5 nóiméad** a dhéanamh chuig an bpainéal agallamh ag díriú ar fhís an iarrthóra don phost agus an méid a d'fhéadfadh sé/sí a dhéanamh chun leasa na forbartha gairmiúla do mhúinteoirí laistigh den PDST.
- Beidh an t-agallamh seo bunaithe ar inniúlacht ag teacht leis na scileanna a dtugtar breacchuntas orthu i gCuid 3 den sainchuntas poist thuas
- Féadfar painéal a bhunú ónar féidir folúntais amach anseo a líonadh
- Dícháileofar iarratais má dhéantar stocaireacht go díreach nó go neamhdhíreach
- Beidh na hiarrthóirí freagrach as na costais go léir a tabhaíodh maidir lena n-iarratas agus leis an agallamh

8. Scaoileadh ón bPost Reatha

- Is faoi iarrthóirí a n-éiríonn leo a bheidh sé comhaontú a fháil óna n-údaráis scoile lena scaoileadh chun post a ghlacadh don tréimhse atá i gceist.
- Beifear ag súil go mbeidh na hiarrthóirí a n-éiríonn leo ar fáil don cheapachán a luaithe agus is féidir. Beidh sé riachtanach deimhniú scaoilte a fháil ó d'fhostóir. Nuair a fhaightear tairiscint iarrfar ar an iarrthóir a n-éiríonn leis/léi deimhniú a lorg láithreach óna f(h)ostóir go mbeidh an fostóir toilteanach an t-iarrthóir ar éirigh leis/léi a scaoileadh de réir na foirme iarratais atá ceangailte le ciorclán iasachta 29/2018 lena n-éilítear go síneadh Príomhoide na Scoile agus Cathaoirleach an Bhoird Bainistíochta/an Príomhfheidhmeánach (BOO amháin) cuid 3 den fhoirm iarratais

9. Ceisteanna

Ba cheart aon cheisteanna maidir leis an doiciméad seo a sheoladh ar ríomhphost chuig recruitment@pdst.ie